



國家清史編纂委員會·文獻叢刊

續編

清代稿鈔本

第五九冊



國家清史編纂委員會・文獻叢刊

續編

清代稿鈔本

第五九冊

廣東省立中山圖書館
中山大學圖書館
編

主編 桑兵
副主編 李昭醇
程煥文

廣東省出版集團
廣東人民出版社
· 廣州 ·

第五九册目錄

黃炳堃先生遺稿

書啓稿	乙未(一八九五)元旦起除夕止	一
書啓稿	丙申(一八九六)正月初一日起七月十九日止	三
書啓稿	丙申(一八九六)年七月初五日起丁酉(一八九七)年二月初五日止	二五七
書啓稿	丙申(一八九六)年七月二十日起丁酉(一八九七)年二月初五日止	四九二

黃炳堃先生遺稿

不分卷

黃炳堃 撰

稿本

書啓稿

乙未元旦起
除夕止

致大理府凌

鳳閣觀察大人閣下急景凋年簷鵲狂噪移時客至述及省門近事

欣慰

出守榆城為之忤舞久之此邦曩本名郡甲於全滇自杜逆盤踞
十有八年屢煩兵力人民轉徙廬舍荒涼迄今城之東西猶是
瓦礫場則民生凋敝已可想見得

賢太守撫摩而噢咻之如起病者而飽饑人榆民之福莫大於是
行見頌聲之作洋洋盈耳雖蒼山松風洱海洪濤無以逾也炳
重作劉郎再來騰越忽忽一載食粟而已滿謂得返故巢庶藏
庸拙乃又為

錦橋鄉長得之此間千鈞之任顧授之一羽不舉者危懼之情
不可言狀不識何時方釋重負所幸近接

名疆諸事尚易承

教乞勿

拒之泐此敬賀

任禧并請

升安諸祈

涵照不一

鄉晚生○○○頓首立春日

一再致大理府凌

敬再啟者舍甥女馮氏曾許字於

太和劉大令蔭堂之內弟陳君菊泉花燭之期不識孰於何日顧甥女早失怙恃所賴以照料者惟乃兄一人而乃兄擬於五月之杪趕赴歲考誠恐所擇良辰適與試期相近則臨時遠出似非所以重結禰也若能於五月前于歸之子則桃夭之詠家室胥宜偕

謂為日無多婚儀未能草草誠恐遷延時日官途南北或至分馳
益覺艱於跋涉敬乞

台下於 蔭堂樞謁之便一言及之不勝欣幸冒瀆無狀尚希
原恕泐此再啟并候

回示再請

勛安

晚鄉生○○再頌

正月十日

致新街坐探

種生賢弟大人足下去臘十八日率佈一函其後驛使不逢遂缺
存問元旦得祀竈自

手書種種悉悉昨晚又展初十日

惠教覺羅智狡猾異常前在南坎囑緝穩祚諸人莖當時即面斥之
陳月樵為之語塞此皆東海朝卿久園諸君所共聞何嘗允許此時
雖有照會仍是腦後置之不必勞我唇舌如其乞假養疴正復大佳
電料清單鄙人未經見及但

友蘭刺史昇無異詞則已運齊可知申報收覽惟大鏡未到茲請
費神轉託友人赴上海代購蟒袍一領朝裙一圍莖現存蟒袍五領
各種皆備獨刺繡無之用是補購如尚不難即請代託倘轉折過多
勢所難為則亦不必所希

酌奪莖之瘴病早愈後變為瘧近數日前乃得霍然現已視事如故
惟飲食少節不敢縱我口腹而已辱

愛并告手此并頌

春祉惟希

雅照不宣

外單附呈

愚兄○○○頓正月十八日

致永昌府湯

敬肅者曩承

堂台賞薦家丁候升服役以來將及一載諸事亦尚猶人乃近有一事殊覺出人意表者兼理司獄鍾經歷巡查街道盤獲形迹可疑男女二人送案當經堂訊據稱男名李開科女為趙李氏係龍陵廳人因趙李氏夫故無依同赴騰越再醮並稱龍陵尚有夫族等供

查其語言恹恍難保無刁拐情事惟據供龍陵尚有夫族即應解赴龍陵廳衙門傳質究辦因此間向無官媒當將趙李氏發交看官土主廟齋婆趙劉氏處暫為同處不期將文辦就正擬點解問飭傳趙李氏不知去向炳。再三查訪始知為侯升藏匿當傳訊趙劉氏供稱侯升與趙李氏通姦查侯升乃在官人役膽敢與在押婦女通姦及將點解竟敢藏匿堅不交出實屬胆大藐法但念黃河一勺源出

崑崙炳。未敢冒昧應否究辦即乞

衡示以便遵行除將趙劉氏楊興邦供詞另摺抄呈外專肅縷呈敬請
勛安伏惟

垂譽鵠候

回示晚生黃○○謹肅 排違

覆保商局紳商

並義名卿仁兄大人閣下元旦得二十八日

惠書張承

記注心感昌極獲送河橋工匠既不得力自應暫行停止俟
劉鎮軍來城另商辦理以免虛耗

諸君遠道跋涉為拜年之舉鄙人殊不克當顧鄙人自與
明卿別於今三年思念之情良不可遏且離家日久亦應歡聚
餘而

濟生前尚有應商之件未可形諸楮墨均希

惠然以慰飢渴想局中得

近義照料自是一夔已足賤恙全愈愛注并告泐此覆賀

年禧不戢

愚弟○○○頓初六日

覆楊迴樓

迴樓仁弟大人閣下久不悉

台狀月之五日忽展

惠教喜慰無已即想

鱣堂日麗

馬帳風行女樂生徒不令前人專美 先子曩曾為此爾時鄙人稚

齡頗嫌清冷及今身任地方不獲罪於紳民即結怨於書役徒取
怨詈翻然自悔欲求首肯盤而不可得

賢弟為之快何如耶此後可戰可守足繼

知白君前美聞晉甯為首郡名區想復不惡前致薄臚尚煩

齒及慚報慚報

次高刺史與鄙人有舊容有書去當為

賢弟進一言此間拔萃楊濟生者名潤富聞與

賢弟似曾相識渠欲敬步

後塵願以

前事

為師

賢弟前捐幾般班每班實銀若干曾否捐有花樣共耗白鏹幾許務
乞逐細開明飛至

示知俾有遵循是為至盼至禱

瀛眷曾否隨任便望

示悉比已歲晚務閒遙想

賢弟吟興正復不淺有

近作希

示一二泐此覆賀

大喜并頌

春祺諸惟